

ARGAZKI LEHIAKETARAKO OINARRIAK

Lan Arriskuen Prebentzioa

MUTUALIA, 2016

1.- Antolatzailea: MUTUALIA, Gizarte Segurantzarekin lankidetzan duen 2 zk.ko Mutua (aurrerantzean, MUTUALIA).

2.- Parte-hartzaileak: 18 urtetik gorako pertsonak, zaletuek zein profesionalek, hartu ahal izango dute parte lehiaketan, epaimahaikideek, beren senitartekoek eta MUTUALIAko langileek izan ezik. Lehiaketan parte hartzeko ez da ezer ordaindu beharko.

3.- Sariak: Sariak, dirutan, honako hauek dira:

- Lehen saria: 1.200 € *
- Bigarren saria: 900 € *
- Hirugarren saria: 600 € *

*Indarrean dagoen zergeri buruzko legerian aurreikusitako atxikipenak aplikatuko zaizkio sari guztien zenbatekoari. Zerga-betebeharrak betetzeko, sariaren zenbatekoaren eta dagozkion atxikipenen ziurtagiria emango da.

4.- Argazkien gaiak **Lan Arriskuen Prebentzioarekin** lotuta egon beharko du. Hala, argazkiek prebentzioaren balioak nabarmendu eta arrisku-egoerak eta jardunbide egokiak erakutsi behar dituzte. Jardunbide egokiak erakusten dituztenak positiboki balioztatuko dira. Irudietan, Estatuko mugen barneko egoera bakarrik agertuko da.

5.- Argazkiek originalak eta parte-hartzaileak eginak izan beharko dute. Ezin izango dira aldeztu aurretik argitaratutako edota beste lehiaketaren batean saritutako argazkiak aurkeztu. Argazkiek ezingo dute hirugarrenen eskubiderik izan. Ez dira collageak, muntaketak, margotutako argazkiak edota digitalki manipulatuak onartuko, egoeraren integritatea erakuste aldera. Koloretan eta zuri-beltzean egin ahalko dira. Egileek nahi beste argazki aurkeztu ahalko dituzte, baina bat baino ez da sarituko.

6.- Argazkien formatua:

- Argazkiak formatu digitalean bidaliko dira.
- Argazki-artxiboei dagokienez, ondoko formatukoak bakarrik onartuko dira: jpg eta bmp.
- Argazkiek 20 x 30 cm inguru eta gutxienez 300 ppp-ko bereizmena izan beharko dute.
- Fitxategiak ezin du 5 Mb-tik gorakoa izan.

7.- Aurkezten duten argazki bakoitzeko, parte-hartzaileek Deskripzio-orria izeneko formulario bat bete beharko dute. Horretan, argazkian erakusten den arrisku-egoera edota jardunbide egokia deskribatuko dute. Arrisku egoera bada, gainera, hartu beharreko prebentzio neurriak adierazi beharko dituzte. Gure webgunean eskuragarri dagoen «Deskripzio-orria» erabili beharko dute.

8.- Argazkiak MUTUALIAren hurrengo helbide elektroniko honetara bidali beharko dira: prevencion@mutualia.es. Honako hauek erantsi beharko dira:

- Argazkiaren artxiboa, egilearen izen-abizenak adierazita.
- Behar bezala betetako «Deskripzio-orria», egilearen izen-abizenak adierazita.

Ez da aurreko baldintzak betetzen ez dituen argazkirik onartuko.

9.- Argazkiak aurkezteko epea 2016ko maiatzaren 31n amaituko da.

10.- Epaimahaia honako 4 pertsona hauek osatuko dute:

- MUTUALIAko Zuzendaritzaren ordezkari batek
- MUTUALIAko Prebentzio Saileko ordezkari batek
- Laneko arriskuen prebentzioaren arloan prestigio handikoak diren erakundeetako bi pertsonak (Laneko Ikuskaritza eta Gizarte Segurantzaren, Osalan, Laneko Segurtasunaren eta Higienearen Espainiako Institutua, etab.)

11.- Epaimahaiaren erabakia apelaezina izango da, eta 2016ko ekainaren amaiera aldera ezagutaraziko da MUTUALIAren web orrian. Epaimahaiak hala erabakiz gero, saria eman gabe gera daiteke.

12.- Jabetza intelektual eta datuen babesa:

Lehiaketako parte-hartzaileek onartuko dute egile-eskubideen legezko titularrak direla eta lehiaketara aurkeztutako irudien, testuen eta bestelakoen gaineko ustiapen-eskubideak dituztela. Halaber, onartuko dute ez dagoela aurkeztutako lanaren gaineko kargarik edo mugarik eta, horregatik, MUTUALIA inolako erantzukizunetik salbuesten du.

Parte-hartzeko eta oinarri hauetan xedatutakoa betetzeko indarrean dagoen legediak exijitzen dizkien baimenak lortzea parte-hartzaileen ardura izango da, adibidez, identifikatutako edo identifikagarriak diren pertsonak erakusten dituzten irudien, datu-pertsonalen edota espazio babestuen edo erreserben tratamendua. Parte-hartzaileak izango dira lehiaketara aurkeztu dituzten lanaren erantzuleak eta MUTUALIAk ez du ildo horretako erantzukizunik hartuko bere gain.

Era berean, parte-hartzaileek lehiaketaren oinarrietan ezarritako baldintza guztiak onartuko dituzte eta MUTUALIAri baimena emango diote lehiaketara aurkeztu dituzten argazkiak ondoren askatasun osoz erreproduzitu edo zabaldu ditzen, edozein formatutan, euskarritan eta lekutan (erakunde ofizialak eta espazio publikoak eta pribatuak barne), lurraldeari, denborari eta espazioari dagozkien mugarik gabe. Bestalde, argazkiak era guztietako hedabideetan erabiltzeko baimena emango diote, baita kanal telematikotik ere.

Gainera, Lan Arriskuen Prebentzioari buruzko argazki-lehiaketan parte hartuko duten pertsonak baimena emango dute beren agerraldi publikoak filmatu eta/edo edozer hedabide telematikotik eman ditzaten eta, ondoren, MUTUALIAren eta lehiaketaren erakunde kolaboratzaileen webgune korporatiboetan eta hedabideetan argitara ditzaten. Horrenbestez, beren irudia filmatzeko eta tratatzeko eta datu pertsonalak biltzeko eta tratatzeko baimena emango dute.

Azkenik, lehiaketako parte-hartzaileak baimena emango dute beren datu pertsonalak MUTUALIAren fitxategi batean sartzeko eta agiri honetan adierazitako helburuetarako tratatu eta helburu horien arabera argitara daitezen (egilea identifikatzeko, parte-hartzaileen eta irabazleen zerrenda osatzeko eta antzeko trataerak egiteko, besteak beste). Sinatzaileak datu horiek atzitzeko, zuzentzeko, ezeztatzeko eta aurkarazteko eskubideak baliatu ahal izango ditu Segurtasuneko arduradunari helbide honetara gutun bat bidalita: Henao kalea 26, 48009 Bilbo.

15.- Oinarriak onartzea: Lehiaketa honetan parte hartzeak oinarri hauek guztiak onartzea dakar. Oinarriotan aurreikusi gabeko edozein egoera antolatzaileek ebatziko dute. Edozer zalantza edo kontsulta izanez gero, deitu hurrengo telefono zenbakietara: 944 042 105 / 943 440 526 / 945 009 077.